



Publicaziuns dalla vischnaunca, jamna 17

Damondas da baghegiar

Nr. 2013-1053.000

Datum dalla publicaziun: ils 17 d'avrel 2014

Il patrun: Marc Schmed, Via Alpsu 30 7180 Disentis/Mustér

Il representant: Marc Schmed, Via Alpsu 30 7180 Disentis/Mustér

Object: Construcziun d'ina front da veider, remplazzament dallas finiastras, casa sin parcel-
la 510, Via Alpsu 30, 7180 Disentis/Mustér.

Nr. 2014-1015.000

Datum dalla publicaziun: ils 17 d'avrel 2014

Il patrun: Rita e Beat Levy-Venzin Lindenstrasse 17, 8304 Kloten

Il representant: S. Steger SA, Via Plaun da Diras 8 7180 Disentis/Mustér

Object: Sanaziun totala dil mir da sustegn e dalla scala tier igl iert, parcella 670, Via Gonda,
7180 Disentis/Mustér

Nr. 2014-1016.000

Datum dalla publicaziun: ils 17 d'avrel 2014

Il patrun: Vischnaunca Disentis/Mustér Via Cons 2, 7180 Disentis/Mustér

Il representant: Vischnaunca Disentis/Mustér Via Cons 2, 7180 Disentis/Mustér

Object: Project signaletica, indrezs per l'embellaziun dil vitg, reits per pender si bandieras,
novas tablas d'informaziun e muossavia, mesiras per quietar il traffic, Vitg Mustér, Raveras,
Gonda Acla da Fontauna e Sontga Catrina 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 14 d'avrel 2014
Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandontas lubientschas da baghegiar:

Nr. 2014 – 1009.000

Pleiv Sogn Gions, Via Sogn Gions 8, 7180 Disentis/Mustér; spazzada dalla casa pervenda
veglia e dil clavau, parcella 3027, Via Sogn Gions 10, 7180 Disentis/Mustér.

Nr. 2014 – 1010.000

Roc Durschei-Jacomet, Via Curtins 4, 7186 Segnas; spazzar il clavau, parcella 196, Marias,
7186 Segnas.

Nr. 2014 – 1013.000

Fundaziun «Tür auf – mo vinavon», Via Raveras 25, 7180 Disentis/Mustér; nova piazza da
giug cun baghetgs da menaschi, parcella 2201, Via dalla Stampa, 7180 Disentis/Mustér.

Disentis/Mustér, ils 22 d'avrel 2014
Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2014 – 2030.000

Stweg Casa Ucliva, Gion Albin, Via Funs-Dado 3, 7180 Disentis/Mustér; cumpletar il parcadi existent cun in'ulteriura surfatscha da parcar, parcella 672, Via Funs-Dado 1–3, 7180 Disentis/Mustér.

Nr. 2014 – 2033.000

Caminada Gonda SA, Via Gonda 12, 7180 Disentis/Mustér; colurar las fatschadas dil baghetg nr. 135, parcella 739, Via Gonda 12, 7180 Disentis/Mustér. Encunter quellas decisziuns san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 22 d'avrel 2014
Uffeci da baghegiar Disentis/Mustér

Cussegl da vischnaunca

Credit per realisaziun embellaziun, signalisaziun ed informaziun – Moziun colligiazium da traffic Sedrun–Caschinutta cun tunnel da via

En sia seduta dils 11 d'avrel 2014 ha il cussegl da vischnaunca sut il tgamun da Flavio Murer acceptau la moziun per ina colligiazium da traffic Sedrun–Caschinutta cun in tunnel da via. Las suprastonzas communalas da Mustér, Tujetsch e Medel en collaboraziun cul cantun vegnan a schar elaborar in studi davart la realisabladad. Quel duei dar risposta a damondas tecnicas, economicas ed ecologicas.

Gia dapi onns ei l'embellaziun dil vitg, en special il beinvegni all'entrada e la cumparsa dalla staziun, adina puspei stau in tema. Ella medema direczium va la moziun da Livio Zanetti cun conmoziunaris. Aschia ha la suprastonza communal tscharniu in team da project dallas spartas signaletica, grafica, design, planisaziun da traffic, concept da communicaziun cun l'incarica d'elaborar in concept d'informaziun, embellaziun e signalisaziun per nies basegns, il qual lai extender. Supplementarment porscha il sistem era potenzial da svilup pil turissem. Bein caschuna igl emprem pass gronds cuosts, denton sa vegnir realisau novas tablas da beinvegni all'entschatta dil vitg, 25 muossavias, petgas d'informaziun, bandieras e siat simbols cun vers ord la regla da Sogn Benedetg. La realisaziun dil concept en nos uclauns caschuna cuosts minimalis, cun quei ch'ils cuosts da projectaziun crodan naven. Nus astgein esser loschs da saver realisar igl emprem pass naven dalla staziun agl areal clausal sin perdanonza da Sogn Placi egl onn da giubileum.

Il cussegl da vischnaunca ha sin proposta dalla suprastonza communal approbau il concept e concediu in credit da frs. 350 000.– per la realisaziun dallas mesiras previdas 2014. Il credit vegn suttames al referendum facultativ conform alla constituziun communal. Vinavon declara il cussegl da vischnaunca, en concordanza cun cusseglier Livio Zanetti, la moziun (M1 2013/2016) cun la realisaziun dil project da signaletica per liquidada.

Suprastonza communal



Referendum facultativ

A caschun da sia seduta dils 11 d'avrel 2014 ha il cussegl da vischnaunca concediu in credit da frs. 350 000.– per la realisaziun dallas mesiras previdas 2014 per l'embellaziun, signalisaziun ed informaziun.

Conform ad art. 21, lit. c dalla constituziun communal e quella decisiun suttamessa al referendum facultativ. Il messadi davart la damonda da credit ei exponius per investa en casa communal (stanza nr. 10).

Sin proposta da silmeins 80 votants exista la pusseivladad d'inoltrar enviers sura conclus il referendum enteifer 20 dis dapi la publicaziun officiala.

Suprastonza communal

Sendas e via Run

Muort lavurs da transports da lenna cun suga egl uaul Run vegn la via serrada naven dils 28 d'avrel, entochen ils 30 da matg 2014 mintgamai ils luvendis dallas 6.30–18.30 per tut traffic. Era la senda sil tschancun da Davos Casti entochen Plaun Panazauns ei serrada duront quei temps.

Nus supplichein da prender enconuschientscha da quest avis. Bien engraziament per la capientscha

Uffeci forestal Disentis/Mustér

Controlla da habitonts

Naschientscha

Jara Finja Marie Hensler, naschida ils 8 d'avrel 2014, feglia da Nina Kadidja Hug e Bruno Meinrad Konrad Hensler.

Rimnada da pupi

Venderdis, ils 25 d'avrel 2014

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas, 16.00–17.30, e sondas, 10.00–12.00. Bien engraziament per Vies agid e sustegn!

Scolas Mustér, Ch. Berger



Apparats d'udida

Gliendisdis, ils 28 d'avrel 2014 saveis Vus schar schubergiar e regular Vies apparat d'udida el Center da sanadad Sursassiala SA a Mustér, Via Cons 11, naven dallas 14.00–16.00.

L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invitaziun
Center da sanadad Sursassiala SA

Preavis Alp Run

Radunonza generala dalla Societad semplia Alp Run, Mustér.

Venderdis, ils 16 da matg 2014 allas 20.00 en l'Ustria «Cresta Segnas».

Gruppa da teater Mustér Invit alla radunonza generala

Sonda, ils 3 da matg 2014 allas 20.15 el Hotel «Rhätia». Tut quels che han plascher vid il teater ein beinvegni. Havein plascher vid novs giugadurs e gidonters.

La suprastonza